

七十二家集

重纂謝法曹集序

謝方明是世法人詞藻乃其所畧故家有兼金棄爲躍冶康樂絕世才自顧少雙忽得阿弟種種韵秀不覺傾倒而名行又其所畧故情款逾摯

也史謂惠連輕薄多尤悔然  
希見其事實獨有杜德靈一  
節竟亦何至久錮王僧達不  
以斷袖坑姪乎不礙華眷又  
何也六代於倫常不甚敦切  
獨居大喪徃徃淒斷欲絕以

棘人而有乘流遯渚等詩爲  
時流大垢耳考其在大將軍  
府有作長區惠恭能詩爲借  
姓名以進仍白大將軍移賜  
給之自其獎善一片熱心意  
德靈亦有少才技故暱之耶

大率惠連深情使氣不耐檢  
押與康樂之軀體高呼也長  
瑜之劇言苦句遍嘲諸僚佐  
也風格自符恰好相收而成  
四友者也康樂語方明日阿  
連才悟若此才悟二字足盡

惠連宜其每見輒得佳句王  
介甫乃謂池塘生春草是借  
言王澤已竭自懼得罪托爲  
夢惠連所成此真夢中說夢  
矣

石隱山人張爕識

謝法曹集目錄

卷之一

賦

雪賦

鷄鵠賦

白鷺賦

耳賦

橘賦

樂府

謝法曹集

目錄

秋胡行二首

隴西行

豫章行

塘上行

却東西門行

代悲哉行

燕歌行

猛虎行

又



韞歌行

前緩聲歌

長安有狹邪行

順東西門行

詩

三月三日曲水集

汎南湖至石帆

西陵遇風獻康樂

五章

謝靈運酬從弟惠連五首附

代古

秋懷

擣衣

泛湖歸出樓中望月

七月七日夜詠牛女

喜雨

詠冬

讀書

離合詩一首

夜集作離合

夜集歎乖

與孔曲阿別詩

詠螺蚌

失題

卷之二

贊

仙人草贊

雪贊

四海贊

琴贊

白羽扇贊

松贊

連珠

連珠四首

箴

口箴

目箴

文

祭禹廟文

祭周居士文

祭古冢文

附錄

謝惠連傳

唐李延壽

登臨海嶠初發疆中作與從弟惠連

宋謝靈運

荅惠連

宋謝靈運

遺事

集評

謝法曹集卷之一

宋陳郡謝惠連著

明閩漳張燮纂

賦

雪賦

歲將暮時旣昏寒風積愁雲繁梁王不悅遊於  
兔園乃置旨酒命賓友召鄒生延枚叟相如未  
至居客之右俄而微霰零密雪下王乃歌北風  
於衛詩詠南山於周雅授簡於司馬大夫曰抽

子秘思騁子妍辭侔色揣稱爲寡人賦之相如  
於是避席而起逡巡而揖曰臣聞雪宮建於東  
國雪山峙於西域岐昌發詠於來思姬滿申歌  
於黃竹曹風以麻衣比色楚謠以幽蘭儷曲盈  
尺則呈瑞於豐年袤丈則表沴於陰德雪之時  
義遠矣哉請言其始若乃玄律窮嚴氣升焦溪  
涸暘谷凝火井滅溫泉冰沸潭無涸炎風不興  
比戶墜扉裸壤垂繒於是河海生雲朔漠飛沙  
連氛紫霽掩日韜霞霰淅瀝而先集雪紛糅而



遂多其爲狀也散漫交錯氛氲蕭索藹藹浮浮  
濛濛奕奕聯翩飛灑徘徊委積始緣薨而冒棟  
終開簾而入隙初便娟於墀廡末縈盈於帷席  
旣因方而爲珪亦遇圓而成璧眇隰則萬頃同  
縞瞻山則千巖俱白於是臺如重壁逵似連璐  
庭列瑤階林挺瓊樹皓鶴奪鮮白鵬失素紈袖  
慙冷玉顏掩嫋若乃積素未虧白日朝鮮爛兮  
若燭龍銜曜照崑山爾其流滴垂冰緣雷承隅  
粲兮若馮夷剖蚌列明珠至夫續紛繁驚之貌

皓汗皎潔之儀迴散縈積之勢飛聚凝曜之奇  
固展轉而無窮羌難得而備知若乃申娛玩之  
無已夜幽靜而多懷風觸楹而轉響月承幌而  
通輝酌湘吳之醇酎御瓠貉之兼衣對庭鷗之  
雙舞瞻雲鴈之孤飛折園中之萱草摘階上之  
芳薇踐雪霜之交積憐枝葉之相違馳遙思於  
千里願接手而同歸鄒陽聞之慙然心服有懷  
妍唱敬接末曲於是乃作而賦積雪之歌歌曰  
攜佳人兮披重帷援綺衾兮坐芳縹燎薰鑪兮

炳明燭酌桂酒兮揚清曲又續而爲白雪之歌  
歌曰曲旣揚兮酒旣陳朱顏醺兮思自親願低  
帷以昵枕念褫珮而解紳怨年歲之易暮傷後  
會之無因君寧見階上之白雪豈鮮輝於陽春  
歌卒王乃尋繹吟翫撫覽扼腕顧謂枚叔起而  
爲亂亂曰白羽雖白質以輕兮白玉雖白空守  
貞兮未若茲雪因時興滅玄陰凝不昧其潔太  
陽耀不固其節節豈我名絜豈我貞憑雲外降  
從風飄零仙物賦像任地班形素因遇立汗隨

染成縱心皓然何慮何營

讀法集卷二

鸚鵡賦

覽水禽之萬類信莫麗乎鸚鵡服昭晰之鮮姿  
赫玄黃之美色命儔旅以翔遊憇川湄而偃息  
超神王以自得不意虞人之在側網羅慕而雲  
布摧羽翮於翩翩乖沉浮之諧豫宛羈畜於籠  
樊

白鷺賦

有提樊而見獻寔振鷺之鮮禽表弗緇之素質  
挺樂水之奇心

甘賦

嘉寒園之麗水美獨有此貞芳質歲繼而懷風  
性耿介而凌霜擬夕霞以表色指朝景以齊圓  
侔萍實乎江介超玉果於崑山傾子節兮湘之  
區承君翫兮堂之隅濯雨兮冒霜長無絕兮芬  
敷

橘賦

園有嘉樹橘柚煌煌圓丹可翫淑氣芬芳受以  
玉盤升君子堂味旣滋而事美寔厥苞之最良



樂府

秋胡行二首

以下四言

春日遲遲桑何萋萋紅桃含夭綠柳舒黃邂逅  
秦者遵齊戲蹊華顏易改良願難諧

餘風捕影誠知不得念彼奔波意慮迴惑漢女  
倏忽洛神飄揚空勤交甫徒勞陳王

隴西行

運有榮枯道有舒屈潛保黃裳顯服朱黻誰能  
守靜棄華辭榮窮谷是處考槃是營千金不迴

百代傳名厥包者柚忘憂者萱何爲有用自垂  
中原實摘柯摧葉殞條煩

豫章行

以下  
五言

軒帆遡遙路薄送瞰遐江舟車理殊緬密友將  
遠從九里樂同潤二華念分峰集歡豈今發離  
歎自古鍾促生靡緩期迅景無遲蹤緇髮迫多  
素憔悴謝華葦婉婉寡留畧窈窕閉淹龍如何  
阻行止憤懣結心胸旣微達者度歡戚誰能封  
願子保淑慎良訊代徽容

塘上行

芳萱秀陵阿非質不足營幸有忘憂用移根託  
君庭垂穎臨清池擢彩仰華甍霑渥雲雨潤葳  
蕤吐芳馨願君眷傾葉畱景惠餘明

却東西門行

慷慨發相思惆悵戀音徽四節競闌候六龍引  
頽機人生隨時變遷化焉可祈百年難必保千  
慮盈懷之

代悲哉行

樂府作惠連鮑  
照集亦載此

羈人感淑節緣感欲回轍我行詎幾時華實驟  
舒結覩實情有悲瞻華意無悅覽物懷同志如  
何復乖別翩翩翔禽羅關關鳴鳥列翔鳴常疇  
偶所歎獨乖絕

燕歌行

七言

四時推遷迅不停三秋蕭瑟葉解輕飛霜被野  
鴈南征念君客遊羈思盈何爲淹留無歸聲愛  
而不見傷心情朝日潛輝華燈明林鵲同栖渚  
鴻并接翮偶羽依蓬瀛仇依旅類相和鳴余獨

何爲志無成憂緣物感淚沾纓

猛虎行

以下  
雜言

貧不攻九疑王倦不憊三危峰九疑有惑號三  
危無安容美物標貴用志士勵奇蹤如何祇遠  
役王命宜肅恭伐鼓功未著振旅何時從

又

猛虎潛深山長嘯自生風人謂客行樂客行苦  
心傷

鞠歌行

謝法曹集

卷一

翔馳騎千里姿伯樂不舉誰能知南荆璧萬金  
貲卞和不斲與石離年難留時易隕厲志莫賞  
徒勞疲沮齊音溺趙吹匠石善運郢不危古綿  
眇理參差單心慷慨雙淚垂

前緩聲歌

羲和織阿去嵯峨覩物知命使余轉欲悲歌憂  
感人心胸處山勿居峰在行勿爲公居峰大阻  
銳爲公遇讒蔽雅琴自疎越雅韻能揚揚滑滑  
相混同終始福祿豐

長安有狹邪行

紀郢有通達通達並軒車  
芾芾雕輪馳軒軒翠蓋舒  
撰策之五尹振轡從三閭  
推劒馮前軾鳴佩專後輿

順東西門行

哀朝菌閔頽力遷化常然焉  
肯息及壯齒遇世直酌酪  
華堂集親識舒情盡懽遣  
悽惻

詩

三月三日曲水集

以下  
五言

四時著平分三春稟融爍遲遲和景婉夭夭園  
桃灼携朋適郊野味爽辭鄧廓蜚雲興翠嶺芳  
飊起華薄解纒偃崇丘藉草繞迴壑際渚羅時  
欸託波汎輕爵

汎南湖至石帆

軌息陸塗初柁鼓川路始漣漪繁波漾參差層  
峰峙蕭疎野趣生逶迤白雲起登陟苦跋涉躋



眇樂心耳卽翫翫有竭在興興無已

西陵遇風獻康樂

五章

我行指孟春春仲尙未發  
趣途遠有期念離情  
無歇成裝候良辰漾舟陶嘉月  
瞻途意少悰還顧情多闕

哲兄感化別相送越桐林  
飲餞野亭館分袂澄湖陰  
悽悽留子言眷眷浮客心  
迴塘隱艫棹遠望絕形音

靡靡卽長路戚戚抱遙悲  
悲遙但自弭路長當

語五臣誰行行道轉遠去去情彌遲昨發浦陽

汭今宿浙江湄

屯雲蔽會嶺驚風演飛流零雨潤墳澤落雪灑

林丘浮氛晦崖巖積素惑原隰曲汜薄停旅五臣

依作通川絕行舟

偏津不得濟佇楫阻風波蕭條洲渚際氣色少

諧和五臣西瞻作興游歎東睇起悽歌積憤成疾

痾無萱將如何

謝靈運酬從弟惠連五首附

寢瘳謝人徒滅迹入雲峰巖壑寓耳目歡愛  
隔音容永絕賞心望長懷莫與同末路值令  
弟開顏披心胸

心胸旣云披意得咸在斯凌澗尋我室散帙  
問所知夕慮曉月流朝忘懸日馳悟對無厭  
歇聚散成分離

分離別西川迴景歸東山別時悲已甚別後  
情更延傾想遲嘉音果枉濟江篇辛勤風波  
事款曲洲渚言

洲渚旣淹時風波子行遲務協華京想詎存  
空谷期猶復惠來章祇足攪余思儻若果歸  
言共陶暮春時

暮春雖未交仲春善遊遨山桃發紅萼野蕨  
漸紫苞嚶鳴已悅豫幽居猶鬱陶夢寐佇歸  
舟釋我客與勞

代古

一作擬客  
從遠方來

客從遠方來贈我鵠文綾貯以相思篋絨以同  
心繩裁爲親身服著以俱寢興別來經年歲歡

心不可凌瀉酒置井中誰能辨斗升合如杯中  
水誰能判淄澠

秋懷

平生無志意少小嬰憂患如何乘苦心矧復值  
秋晏皎皎天月明奕奕河宿爛蕭瑟含風蟬寥  
唳度雲鴈寒商動清閨孤燈曖幽幔耿介繁慮  
積展轉長宵半夷險難預謀倚伏昧前筭雖好  
相如達不同長卿慢頗悅鄭生偃無取白衣宦  
未知古人心且從性所玩賓至可命觴朋來當

染翰高堂驟登踐清波時陵亂頽魄不再圓  
傾幾無兩且金石終銷毀丹青暫彫煥各勉玄髮  
歡無貽白首歎因歌遂成賦聊用布親串

倚衣

衡紀無淹度晷運倏如催白露茲園菊秋風落  
庭槐肅肅莎雞羽烈烈寒蟬啼夕陰結空幕育  
月皓中閨美人戒裳服端飾相招攜簪玉出北  
房鳴金步南階欄高砧響發楹長杵聲哀微芳  
起兩袖輕汗染雙頰素旣已成君子行未歸

詩法集卷一  
裁用笥中刀縫爲萬里衣盈篋自余手幽緘俟  
君開腰帶准疇昔不知今是非

泛湖歸出樓中望月

日落泛澄瀛星羅遊輕橈憇憇面曲汜臨川對  
迴潮輟策共駢筵並坐相招要哀鴻鳴沙渚悲  
猿響山椒亭亭映江月颼颼出谷峴斐斐氣羃  
岫泫泫露盈條近矚祛幽蘊遠視蕩諠囂晤言  
不知罷從夕至清朝

七月七日夜詠牛女

落日隱欄楹升月照簾

玉臺作房

櫳團團滿葉露析

新振條風蹠足循廣除瞬目曬曾穹雲漢有靈

匹彌年闕相從遐川阻暱愛脩渚曠清容弄杼

不成藻聳轡驚前蹤昔離秋已兩今聚夕無雙

傾河易迴幹欵情

玉臺作顏

難久悰沃若靈駕旋寂

寥雲幄空留情顧華寢遙心逐奔龍沈吟爲爾

感情深意彌重

### 喜雨

朱明振炎氣溽暑扇溫飈羨彼明月輝離畢經



中宵思此西郊雲旣雨盈崇朝上天愍然悴商  
羊自吟謠

詠冬

藝文新本字謫作  
靈運考舊本正之

七宿乘運曜三星與時滅履霜冰彌堅積寒風  
愈切繁雲起重陰迴飈流輕雪園林粲斐皓庭  
除秀皎潔墀瑣有凝沍達衢無通轍

讀書

賁園奚足慕下帷故宜遵山成猶一簣崇積始  
微塵虞軒雖渺莽顏閔亦何人

離合詩二首

放棹遵遙途方與情人別嘯歌亦何言肅爾凌

霜節

各字

夫人皆薄離二友獨懷古思篤子衿詩山

當作三

川何足苦

念字

夜集作離合

四坐宴嘉賓一客自遠臻九言何所戒十善故

宜遵

夜集歡乖

詩人咏踟躕搔首歌離別誠哉曩日歡展矣今  
夕切吾生赴進令質明卽行轍在貧故宜言贈  
子保溫惠曷用書諸紳久要亮有誓

與孔曲阿別詩

淒淒乘蘭秋言餞千里舟塗屈雲陽邑邑宰有  
昔遊行人雖念路爲爾暫淹留

詠螺蚌

輕羽不高翔自用弦網羅纖鱗惑芳餌故爲釣  
所加螺蚌非有心沈迹在泥沙文無雕飾用味

非鼎俎和

失題

見藝文  
言志類

夕坐苦多慮行歌踐閨中  
房櫳引傾月步檐結  
春風

謝法曹集卷之二

宋陳郡謝惠連著

明閩漳張 燮纂

贊

仙人草贊

余之中園有仙人草焉春頽其苗夏秀其英秋有貞實冬無彫色可謂貫四時而不改者也旣嘉其名而美其質染筆作詠庶以攄述云

園有嘉草名曰仙人曄曄煒煒莫莫臻臻頽發

炎暑苗秀和春奇爾靈質乃植中林

雪贊

氣過霜繁年豐雪積彼厲我和爾素子白其德  
懿矣玩之庭隙權輿瑤臺暫踐盈尺

四海贊

九夷六蠻八狄七戎雕鏤異所營衣羸殊風致之  
以德車軌斯同



琴贊

嶧陽孤桐裁爲鳴琴體兼九絲聲備五音重華  
載揮以養民心孫登是玩取樂山林

白羽扇贊

惟茲白羽體此濺潔涼齊清風素同冰雪其儀  
可貴是用玩悅揮之襟袖以禦炎熱

松贊

松惟靈木擬心雲端跡絕玉除形寄青巒子欲  
我知求之歲寒

箴

口箴

宜納之山實伊樞機唯舌是出馳驅安追差釐  
千里君子慎微何用口爽信在甘肥

目箴

氣之清明雙眸善識惟道是視瞻彼正直

連珠

連珠四首

益聞獻技者易忽養德者難致是以子張重跡  
不獲哀公之祿干木偃息不受文侯之位

益聞機心難湛不接異類淳德易孚可狎殊方  
是以高羅舉而雲鳥降游人萃而水禽翔

蓋聞春蘭早芳實忌鳴鳩秋菊晚秀無憚繁霜  
何則榮乎始者易悴貞乎末者難傷是以傳長  
沙而志沮登金馬而名揚

蓋聞脩己知足慮得其逸競榮昧進志忘其審  
是以飲河滿腹而求安愈泰緣木務高而畏下  
滋甚

文

祭禹廟文

謹遣左曹掾奉水土之羞敬薦夏帝之靈咨聖  
繼天載誕英徽克明克哲知章知微運此宏謨  
卹彼民憂身勞五岳形疲九州呱呱弗顧虔虔  
是欽物貴尺璧我重寸陰乃錫玄圭以告成功  
虞數旣改夏德乃隆臨朝總政巡國觀風淹留  
稽嶺乃徂行宮恭司皇役敬屬暉融神且畧薦  
乃昭其忠



祭周居士文

維君陶冶造化之純元侔先哲之遐蹤體無事於  
高尚蹈虛素乎中膺不臣天子不事諸侯公辟  
弗眄王命匪酬窮歡極樂帶索被裘

祭古冢文

東府掘城北塹八丈餘得古冢上無封域不用  
磚甃以木爲槨中有二棺正方兩頭無和明器  
之屬材瓦銅漆有數十種多異形不可盡識刻  
木爲人長三尺可有二十餘頭初開見悉是人  
形以物搥撥之應手灰滅棺上有五銖錢百餘  
枚水中有甘蔗節及梅李核瓜瓣皆浮出不甚  
爛壞銘誌不存世代不可得而知也公命城者  
改埋於東岡祭之以豚酒旣不知其名字遠近

故假爲之號曰冥漠君云爾

元嘉七年九月十四日司徒御屬領直兵令史  
統作城錄事臨漳令亭候朱林具豚醪之祭敬  
薦冥漠君之靈忝總徒旅版築是司窮泉爲塹  
聚壤成基一擲旣啓雙棺在茲捨舂悽愴縱鋪  
漣而芻靈已毀塗車旣摧几筵糜腐俎豆傾低  
盤或梅李益或醢醢庶傳餘節爪表遺犀追惟  
夫子生自何代曜質幾年潛靈幾載爲壽爲夭  
寧顯寧晦銘誌煙滅姓字不傳今誰子後曩誰

子先功名美惡如何蔑然百堵皆作十仞斯齊  
塋不可轉壘不可迴黃腸旣毀便房已頽循題  
興念撫偏增哀射聲垂仁廣漢流渥祠骸府阿  
掩骼城曲仰羨古風爲君改卜輪移北隍窀穸  
東麓壙卽新營棺仍舊木合葬非古周公所存  
敬遵昔義還柩雙魂酒以兩壺牲以特豚幽靈  
勞髣歆我犧樽嗚呼哀哉

附錄

謝惠連傳

唐李延壽

謝惠連年十歲能屬文族兄靈運加賞之云每有篇章對惠連輒得佳語嘗於永嘉西堂思詩竟日不就忽夢見惠連卽得池塘生春草大以爲工嘗云此語有神功非吾語也本州辟主簿不就惠連先愛幸會稽郡吏杜德靈及居父憂贈以五言詩十餘首乘流遵歸路諸篇是也坐廢不豫榮位尙書僕射殷景仁愛其才言次白

文帝言臣小兒時便見此文而論者云是惠連  
其實非也文帝曰若此便應通之元嘉七年方  
爲司徒彭城王義康法曹行參軍義康脩東府  
城塹中得古冢爲之改葬使惠連爲祭文留  
信待成其文甚美又爲雪賦以高麗見奇靈運  
見其新文每曰張華重生不能易也文章並行  
於世年三十七卒旣早亡輕薄多尤累故官不  
顯無子

登臨海嶠初發疆中作與從弟惠連

宋謝靈運

杪秋尋遠山山遠行不近與子別山阿含酸赴  
蕭吟中流袂就判欲去情不忍顧望胆未捐汀  
山舟已隱

隱汀絕望舟驚棹逐驚流欲抑一生歡并奔千  
里遊日落當棲薄繫纜臨江樓豈惟夕情歛憶  
爾共淹留

淹留昔時歡復增今日歎茲情已分慮况迴協

悲端秋泉鳴北澗哀猿響南巒戚戚新別心悽悽久念攢

攢念攻別心旦發清溪陰願投剡中宿明登天姥岑高高入雲霓還期鄒可尋儻遇浮丘公長絕子徽音

荅惠連

懷人行千里我勞盈十旬別時花灼灼別後葉  
萋萋



# 遺事

謝靈運與族弟惠連東海何長瑜潁川荀雍太  
山羊璿之以文章賞會共爲山澤之游時人謂  
之四友惠連幼有才悟而輕薄不爲父方明所  
知靈運去永嘉還始寧時方明爲會稽郡靈運  
嘗自始寧至會稽造方明過視惠連大相知賞  
時長瑜教惠連讀書亦在郡內靈運又以爲絕  
倫謂方明日阿連才悟如此而尊作常兒遇之  
何長瑜當今仲宣而飴以下客之食尊旣不能

禮賢宜以還靈運靈運載之而去

宋書

區惠恭本胡人及大將軍脩北第差克作長時  
謝惠連兼記室叅軍惠恭作雙枕詩以示謝謝  
曰君誠能詩恐人未重且可以爲謝法曹造遺  
大將軍見之賞歎以錦二端賜謝謝辭曰此詩  
公作長所製請以錦賜之

鍾嶸詩品

集評

從弟惠連後進文悟衰宗之美并以遠呈

康樂與范

光祿書

小謝詩才思富捷恨其蘭玉夙凋故長轡未騁  
秋懷擣衣之作雖復靈運銳思亦何以加焉又

工爲麗歌謠風人第一

詩品

酌取險恠自然之中而句句爲之

詩譜

謝惠連七夕詩落日隱簷楹斜月照簾櫳團團  
蒲葉露淅淅振條風蕭氏取以入選然余觀宋

孝武詩白日傾晚照弦月升初光  
泫泫葉露滿肅肅庭風揚意雖類之  
而雄渾頓挫過惠連矣至惠連昔  
離秋已兩今聚夕無雙亦不可掩也

復齋漫錄